

7. gr.

17

Gjaldskrá þessi, sem er sett samkvæmt lögum nr. 36 frá 1931, og gildir til 31. des. 1951, birtist til leiðbeiningar öllum, sem hlut eiga að máli. 16. febr.

Í dóms- og kirkjumálaráðuneytinu, 16. febrúar 1942.

Hermann Jónasson.

Gústav A. Jónasson.

AUGLÝSING

18

20. febr.

um viðauka við hafnarreglugerð fyrir Skagastrandarkauptún,
nr. 77 1. ágúst 1936.

Á eftir 27. gr. hafnarreglugerðarinnar komi bráðabirgðaákvæði, svo hljóðandi:

Bráðabirgðaákvæði.

Öll gjöld samkvæmt ákvæðum 16. gr. hafnarreglugerðarinnar skulu frá og með 1. marz 1942 innheimtast með 50% hækkun.

Reglugerðarviðauki þessi staðfestist hér með samkvæmt lögum nr. 21 14. júní 1929 og birtist til eftirbreytni öllum þeim, sem hlut eiga að máli.

Atvinnu- og samgöngumálaráðuneytið, 20. febrúar 1942.

F. h. r.

Vigfús Einarsson.

Páll Pálmason.

Staðfesting ríkisstjóra á skipulagsskrá fyrir Þrastasjóð, útgefin á venjulegan hátt að mandatum af dóms- og kirkjumálaráðherra 21. febrúar 1942. 19
21. febr.

Skipulagsskráin er þannig:

SKIPULAGSSKRÁ

fyrir Þrastasjóð.

1. gr.

Sjóðurinn nefnist Þrastasjóður.

2. gr.

Sjóðurinn er stofnaður af okkur undirrituðum hjónum, organista Friðriki Bjarnasyni og eiginkonu hans, Guðlaugu Pétursdóttur, til heimilis á Hverfisgötu nr. 52 í Hafnarfirði, með 1000 — eitt þúsund — króna gjöf okkar til handa karla- kórnum Þrestir í Hafnarfirði, samkvæmt gjafabréfi, dags. 9. þ. m., með þeim skil- yrðum, er hér á eftir greinir:

19

21. febr.

3. gr.

Fjár sjóðnum skal eingöngu varið til eflingar áður nefndum karlakór, og með það fyrir augum, að hann ávallt leggi stund á karlakórsöng og starfi jafnan í Hafnarfirði og undir nafninu „*Þrestir*“.

4. gr.

Höfuðstól sjóðsins má aldrei skerða, og skal hann ávallt ávaxtaður í Söfnunarsjóði Íslands, aðaldeild nr. 634.

5. gr.

Ekki má skerða sjóðinn fyrr en hann er orðinn að minnsta kosti 3000 — þrjú þúsund — krónur með áföllnum vöxtum, en úr því sé helmingur ársvaxtanna jafnan lagður við höfuðstólinn, en hinn helmingur vaxtanna falli til útborgunar til stjórnar sjóðsins, sem skipuð sé formanni karlakórsins *Þrestir* í Hafnarfirði, söngstjóra kórsins og bæjarstjóra Hafnarfjarðarkaupstaðar, svo hún geti varið vaxtahluta þessum eins og hér segir:

- a. Til að styrkja efnilega menn til söngnáms, er sungið hafa minnst þrjú ár í oftgreindum karlakór, og sem líklegir eru til að starfa þar áfram að námi loknu.
- b. Til að efla nótnasafn og aðrar tón-bókmenntir karlakórsins.
- c. Til að launa söngstjóra, er hafi á hendi söngstjórn í kórnum, og svo til hvers annars, er orðið geti til góðs gengis fyrir karlakór þennan.

6. gr.

Á hverjum aðalfundi karlakórsins skal gerð grein fyrir hag sjóðsins. — Starfi karlakórinn ekki eitt eða fleiri ár í senn, skulu vextirnir, er þá til falla, allir lagðir við höfuðstól sjóðsins í Söfnunarsjóði Íslands.

7. gr.

Ekki er heimilt að leggja fé í sjóðinn, er varið sé á annan hátt, en hér að framan um getur.

8. gr.

Áður nefndar eitt þúsund krónur, er við undirrituð gefum karlakórnum *Þrestir*, eru frá 1. júlí 1940 ávaxtaðar í Söfnunarsjóði Íslands, og vextir þeir, er til fallið hafa af upphæð þessari síðan, renna og í *Þrestasjóðinn*.

9. gr.

Skipulagsskrá þessi öðlist staðfestingu ríkisstjórnar Íslands, og óskast þá skipulagsskráin birt í B-deild Stjórnartíðindanna, svo og árlegur reikningur sjóðsins, sem stjórnarnefndin semur þegar sjóðurinn, samkvæmt framansögðu, hefur tekið til starfa.

Hafnarfirði, 12. febrúar 1942.

Friðrik Bjarnason.

Guðlaug Pétursdóttir.